



Universitätsbibliothek Paderborn

Metropolis Salisvrgensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarium, ac loca quædam vicina

Hund, Wiguleus

Monachii, 1620

Caroli tertij fratris Carolomanni regis Boiorum & Italiae donatio.

urn:nbn:de:hbz:466:1-13591

Rantersdorf: nunc est Ranshouen cœnobium: proxime Brundunum urbem: vbi quondam palatum regium: & sedes judicium vestigiumque crarium fuit: & publicanorum: ut in nunc est Brunduni: ita vetera monumenta ejusdem Cœnobij indicant.

Carolus tertij fratris Carolomanni regis Boiorum &
Italiae donatio.

In nomine sancte & individua Trinitatis, *Carolus* (diuina fauente clementia.) Imperator Augustus. Si locis diuinis cultibus mancipatis: aliquid emolumenti contulerimus: praesentis vita prosperitatem, à Deo nobis donari credimus: & æternæ vita beatitudinem consequi non dubitamus. Quapropter comperiat omnium fidelium nostrorum praesentium scilicet & futurorum industria: qualiter nos ob amorem Dei, ac pro remedio animarum, parentum nostrorum, genitoris & genitricis nostre, fratum, sororumque nostrarum, ac pro nostra & conjugis nostræ æterna remuneratione, nouas res, de curibus nostris subterminatis omnium rerum, ad Capellam quæ sita est in villa quæ dicitur Otinga, perdonauimus. Id est, de Weles, de Aternhoue, de Matachoue, de Rantersdorf, de Nunninga, de Schirwindenbach, de Otingen, de Ostermundingen, de Salzburgoue, de Salina, de Atilla, de Osterhoue, de Dingoltinga, de Liuchingan, de Incingan, de Peringe, de Chreminchbone, de Veldan, de Helfendorf, & nonam partem in vita ad Rantersdorf & Tabshaim. Ideoque hos nostræ auctoritatis apices, inde conscribi mandauimus, per quod decernimus atque omnino sancimus, ut praefatae res, ad prefatam Capellam deinceps securiter atque inviolabiliter permaneant, nullo undequam successorum nostrorum eas interrumpente. Et ut hæc largitionis nostræ auctoritas firmior habeatur, manu propria subter eam firmauimus, & annuli nostri impressione jussimus insigniri.



Amalbertus Notarius ad vicem Luitvvardi Archicancellarii recognoui. Data VIII. Cal. Septembri. Anno incarnationis Dominice. D. CCC. LXXXV. Inditione III. Anno Imperij piissimi Imperatoris Caroli, in Italia quinto, in Francia quarto, in Gallia primo. Actum ad Weibelingam in Dei nomine soeliciter Amen.

*Arnoldi Imperatoris instrumentum filii Carolomanni
Regis Boiorum.*

In nomine sanctæ & individua Trinitatis. *Arnoldus* diuina fauente gratia: Imperator Augustus: Notum sic omnibus sanctæ Dei Ecclesiæ fidelibus: tam praesentibus quam futuris: qualiter nos pro æternæ felicitatis adipiscenda mercede: nec non per supplicationem Wicingi venerabilis Episcopi cuidam fidelis ac religioso presbytero (cui nomen Ellenprecht) tales res (quales hactenus in beneficium in Rantersdorf munera nostri largitate tenebat, id est Capella quam nos in honore Christi & S. Pancracij à fundamentis construximus: doteque opportuna & ecclesiastico ornatu accumulauiimus) cum omnibꝫ quæ modo per præceptum nostrum illuc collata sunt: vel in futuro collata erunt: integrerat ad proprium diebus vita suę concessimus: cum curtilibus & adficiis: famulis & viuisq; sex mancipliis, vineis & vinitoribus, censibus, agris, pratis, pascuis, syluis cum foresto ad hengiste, aquis aquarumq; decursibus, punctionibus, molendinis, viis & inuis.